

文淵閣

影印

四庫全書

影印

文淵閣四庫全書

第三二九冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

西漢年紀

宋 王益之撰……………一

靖康要錄

宋 不著撰人……………四〇七

兩朝綱目備要

不著撰人……………六八五

宋季三朝政要

元 不著撰人……………九六一

欽定四庫全書

史部
西漢年紀
目錄
卷二

詳校官編修臣謝振定

侍讀臣孫球覆勘

謄錄監生臣孫藩

謄錄貢生臣吳壽康

欽定四庫全書

史部二

西漢年紀

編年類

提要

臣等謹案西漢年紀三十卷宋王益之撰益

之字行甫金華人官大理司直所著有漢官

總錄職源等書見馬端臨經籍考蓋能熟于

兩漢掌故者今他書散佚惟此本以載入永

樂大典獨存考益之自序稱年紀三十卷考

欽定四庫全書

西漢年紀
提要

異十卷鑒論若干卷各自為書今此本不載

鑒論而考則散附年紀各條之下與序不合

殆後人離析其文如胡三省之於通鑑考異

歟又序稱自高祖迄王莽之誅而此本終於

平帝居攝以後闕焉且其文或首尾不完中

間已有脫佚蓋編入永樂大典之時已殘闕

矣司馬光通鑑所載漢書皆本班馬二書及

荀紀為據其餘鮮所採掇益之獨旁取楚漢

春秋說苑新書廣徵博引排比成書視通鑑
較為詳密至所作者異於一切年月舛誤紀
載異同名地錯出之處無不參稽互覈折衷
一是多出二劉刊誤吳仁傑補遺之外尤通
鑑考異所未及其考證亦可謂精審矣今依
益之自序目次釐為三十卷其考異亦即從
舊本仍附各條之下以便檢核不復拘自序
之文別為編次焉乾隆四十六年二月恭校

欽定四庫全書

西漢年紀
提要

上

總纂官臣紀昀臣陸錫熊臣孫士毅

總校官臣陸費墀

欽定四庫全書

西漢年紀目錄

卷一

高祖

卷二

高祖

卷三

惠帝

欽定四庫全書

西漢年紀
目錄

卷四

呂后

卷五

文帝

卷六

文帝

卷七

文帝

卷八

文帝

卷九

景帝

卷十

武帝

卷十一

武帝

欽定四庫全書

西漢年紀
目錄

二

卷十二

武帝

卷十三

武帝

卷十四

武帝

卷十五

武帝

卷十六

武帝

卷十七

武帝

卷十八

昭帝

卷十九

宣帝

欽定四庫全書

西漢年紀
目錄

三

卷二十

宣帝

卷二十一

宣帝

卷二十二

元帝

卷二十三

元帝

卷二十四

成帝

卷二十五

成帝

卷二十六

成帝

卷二十七

成帝

欽定四庫全書

西漢年紀
目錄

卷二十八

哀帝

卷二十九

哀帝

卷三十

平帝

西漢年紀序

王仲淹曰史之失自遷固始或問荀悅曰史乎史乎余三復斯言未嘗不廢卷而嘆也蓋自黍離降而為國風國異政家殊俗天下不復有周矣詩亡然後春秋作夫子冠王子正以示一統所以立萬世君臣之大法也遷固易編年以為紀傳事之大較雖繫於紀而人臣之議論功勛自見於傳殊不知孔子當列國紛紜之際首王綱以明大義遷固於大漢一統之時顧使人自為傳臣自為功毋乃非春秋之旨歟下是述作滋多轉相師用卒未有能復編年之體者獨荀氏有見於古史廢墜之餘此仲淹所以既咎遷固之失而且幸荀氏之可考也余幼喜誦遷固史已復感於仲淹之論取荀紀一再讀之愛其有功於古史猶憾經始之初間多舛逆司馬公通鑑從而正之先後次第爛然有別固已整齊於荀氏矣獨其刊落盈辭求為省約以便人主之觀覽而當時論議所及制度所闕不無遺者竊不自揆取遷固史與

欽定四庫全書

西漢年紀
原序

其軼見於他說者以荀紀通鑑凡例裁之其間月日明
具則載於月日之下有年無月則總於是歲之末歲月
俱闕則約其事之先後而志焉起於高祖終於王莽之
誅凡二百二十九年為西漢年紀三十卷史傳互載不
無抵牾因為訂正為考異十卷諸儒之議多所發明因
為詮次為鑒論若干卷考諸年紀一代之升降著矣求
諸考異一時之去取見矣參諸鑒論當時之事情得矣
雖纂輯之際失不自保然先漢之事大略具焉或病余
欽定四庫全書
西漢年紀
原序
曰紀傳之作尚矣子顧欲廢之可乎答曰不然紀傳存
一人之始末論人物者有考焉編年著一代之升降觀
治亂者有稽焉以一人之始末視一代之升降重輕何
如也荀氏之作溫公之述仲淹之論夫子之志也因序
其所以作者以俟同志焉

欽定四庫全書

西漢年紀卷一

宋 王益之 撰

高祖

高祖劉氏諱邦字季沛豐邑中陽里人也亡避吏與樊

噲俱隱於芒碭山澤間此語見
噲傳呂后常知其處云季所

在上常有赤色雲氣占氣者曰東南有天子氣秦始皇

乃東遊以厭之史記漢書高祖紀荀紀
考異曰史記
本紀載秦始皇嘗曰東南有天子氣

於是因東遊以厭之高祖即自疑亡匿隱於芒碭山澤
巖石之間恐非事實班氏削去即自疑三字而荀悅漢

欽定四庫全書

西漢年紀
卷一

紀獨書曰高祖亡避吏於山澤中蓋得之矣東遊事紀
於其後亦是今從之按秦二世元年至三年楚漢起

兵始末原本未
載似屬脫漏

元年冬十月沛公先諸侯至霸上使人約降子嬰子嬰

素車白馬係頸以組封皇帝璽符節降軹道旁諸將或

言誅秦王沛公曰始懷王違我固以能寬容且人已服

降殺之不祥乃以屬吏遂西入咸陽高先是秦昭王時

荀卿入秦昭王從之問儒術荀卿以孔子之語及諸國

事七十二子之言凡百餘篇與之由是秦悲有焉始皇

之世李斯焚書而孔子家語與諸子同列故不見滅沛

公克秦悉歛得之皆載於尺二寸簡多有古文字家語序

按高紀沛公入咸陽蕭何盡收秦丞相府圖籍文書得孔子家語疑因此附入今本不書蕭何事似屬脫落

沛公入秦宮室意欲留居之樊噲諫曰今臣從入秦宮

所觀宮室帷帳珠玉重寶鐘鼓之飾奇物不可勝數入

其後宮美人婦女以千數此皆秦所以亡天下也願沛

公急還霸上無留宮中史記張良傳徐廣注沛公不聽張良曰願

沛公聽噲言沛公乃封秦重寶財物府庫此語見紀還軍霸

上張良世家項羽將諸侯兵四十餘萬行略地西至河南史記

月陽武陳平往歸之平少時家貧好讀書治黃帝老子

之術里中社平為宰分肉甚均里父老曰善陳孺子之

為宰平曰嗟乎使平得宰天下亦如是肉矣往事魏王

咎為太僕說魏王不聽人或讒之平亡去至是歸羽

陳平傳十二月項羽至關有兵守關不得入聞沛公已定

咸陽大怒饗士卒為擊破沛公軍楚左尹項伯者羽季

父也素善張良乃夜馳之沛公軍具告以事欲呼良與

俱去良乃入告沛公沛公大驚曰君安與項伯有故良

曰秦時與臣遊項伯殺人臣活之今事有急故幸來告

良沛公曰君為我呼入吾得兄事之良出與項伯同入

見沛公沛公奉卮酒為壽約為婚姻曰吾入關秋毫不

敢有所近所以遣將守關者備他盜之出入與非常也

日夜望將軍至豈敢反乎願伯具言臣之不敢倍德也

按原本於為擊破沛公軍句即接沛公語所以遣將守關者云云文義不相屬疑有脫文今據史記補入

項伯許諾謂沛公曰旦日不可不蚤自來謝沛公諾於是

項伯復夜去至軍中具以沛公言告項羽考異曰史記羽紀作報項

王以下皆爾按是時羽未稱王也當是史臣追書非事實通鑑悉稱項羽或曰將軍今從之因言曰

沛公不先破關中公豈敢入乎今人有大功而擊之不

義也不如因善遇之羽許諾沛公旦日至鴻門謝曰臣

與將軍戮力而攻秦然不自意先入關破秦得復見將

軍於此羽因留沛公與飲范增數目羽舉所佩玉玦以

示之者三項羽默然不應按此下史記尚有范增出召項莊入為壽之文此本不錄

脫疑有項莊拔劍起舞項伯亦拔劍起舞常以身翼蔽沛

公

欽定四庫全書

西漢年記

二

欽定四庫全書

西漢年記

三

公莊不得擊須臾沛公起如廁因招樊噲出按史記尚有張良出

召樊噲一節此本不載而但言沛公招樊噲出於文義未明疑有脫漏於是遂去乃令張

良留謝曰沛公不勝杯杓不能辭謹使臣良奉白璧一

雙再拜獻將軍足下玉斗一雙再拜奉亞夫足下考史記

記羽紀作大將軍足下亞夫受玉斗置之地拔劍撞而

破之曰唉吾屬今為之虜矣居數日項羽引兵西屠咸

陽殺秦降王子嬰羽紀及秦諸公子宗族史記燒秦宮室

火三月不滅收其貨寶婦女而東考史記曰史記秦紀云

欽定四庫全書西漢年記

貨財諸侯共封之或說音項羽曰關中阻山帶河四塞

之地肥饒可都以霸項羽見秦宮室皆以燒殘破又心

懷思欲東歸曰富貴不歸故鄉如衣繡夜行誰知之者

說者曰人言楚人沐猴而冠耳果然項羽聞之烹說者

羽紀考史曰楚漢春秋揚雄法言以為蔡生班史通

繼以為韓生未知孰是唯史記以為說者今從史記

成安君陳餘客多說項羽曰陳餘張耳一體有功於趙

羽以餘不從入關聞其在南皮即以南皮旁三縣封之

耳為王餘不可不封云云與二史少異今從史記列傳

按史記此上有項王立諸侯王數語蓋原本誤脫

南粵尉趙佗擊并桂林象郡自立為南粵武王南粵項

王出之國使人趣義帝行其羣臣稍稍背叛之叔孫通

留事項王項王陰令九江王衡山王臨江王殺義帝羽紀

通傳時彭越在鉅野眾萬餘人無所屬榮與越將軍印

令反梁地羽紀彭越傳按史記時田榮殺田市自立

尾不具疑漢王至南鄭按史記時諸侯罷戲下各歸國

有脫漏諸將及士卒多道亡歸士卒皆歌思東歸故韓王

欽定四庫全書西漢年記

尊孫信說漢王曰項王王諸將近地而王獨遠居是遷

也軍吏士卒皆山東之人也日夜跋而望歸及其鋒而

用之可以有大功天下已定人皆自寧不可復用不如

決策東鄉爭權天下史記高紀考史曰漢書帝紀以

所載韓王信說漢王語合兼史記帝紀亦不載登壇拜

將事徐廣以為韓王信是也今從之按楚漢春秋韓

王本名信都劉氏史通及小顏功臣表俱引之信通作

申與韓信之信有別司馬遷削去都字班固誤讀去

聲混作淮陰侯名而附入初淮陰人韓信為布衣時貧

無行不得推擇為吏又不能治生寄食漂母後數與蕭

何語按史記韓信初從項梁數以策干羽不用乃歸漢此本但言數與蕭何語而不及其歸漢本末疑有

漏脫何奇之數言王必欲爭天下非信無可與計事者於

是王欲召信拜之何曰王素嫚無禮今拜大將如呼小

兒此信所以去也王必欲拜之擇良日齋戒設壇場具

禮乃可耳王許之諸將皆喜人人自以為得大將至拜

乃信也一軍皆驚信拜禮畢上坐王曰丞相數言將軍

將軍何以教寡人信謝因問王曰大王自料勇悍仁彊

孰與項王漢王默然良久曰弗如也信再拜賀曰唯信

亦以為大王不如也然臣嘗事項王項王喑噁叱咤千

人皆廢然不能任屬賢將此匹夫之勇也見人恭謹言

語姁姁至人有功當封爵忍不能予此婦人之仁也雖

霸天下不居關中而都彭城又背義帝約而以親愛王

諸侯不平所過殘滅百姓不附今大王誠能反其道任

天下武勇何不誅以天下城邑封功臣何不服以義兵

從思東歸之士何不散且三秦王為秦將將秦子弟數

歲所殺亡不可勝計又敗其眾降諸侯及項王阮秦卒

歲所殺亡不可勝計又敗其眾降諸侯及項王阮秦卒

欽定四庫全書

西漢年紀

六

唯獨邯欣翳脫秦父兄怨之痛於骨髓今楚彊以威王

此三人秦民莫愛也大王入關秋毫無所害除秦苛法

於諸侯之約又當王關中王失職之蜀民亡不恨者今

王舉而東三秦可傳檄而定也於是漢王大喜自以為

得信晚遂聽信計部署諸將所擊信傳漢王留蕭何收巴

蜀租填撫諭告使給軍食何世家八月史記高祖紀月表漢王引兵

從故道還襲雍王章邯考異曰漢書本紀作五月按四月諸侯方各罷兵就國不應五

月使出史記高祖紀月表皆作八月為是今從史記臧荼之國因逐韓廣之遼東

欽定四庫全書

西漢年紀

七

廣弗聽荼擊殺廣無終并王其地項羽紀月表考異

四月今從月表及漢本紀載於八月漢王許立韓王孫孫信為韓王先拜

為韓太尉將兵略韓地信傳項羽聞漢王已并關中且東

齊趙叛之大怒乃以故吳令鄭昌為韓王以距漢令蕭

公角等擊彭越彭越敗蕭公角等張良為漢徇韓乃遺

項王書曰漢王失職欲得關中如約即止不敢復東又

以齊梁反書遺項羽曰齊欲與趙并滅楚楚以故無西

意而北擊齊徵兵九江王布布稱疾不往使將將數十

人行項王由此怨布紀王陵始為縣豪漢王微時兄事

陵漢王起沛陵亦聚黨數千人居南陽不肯從至是始

以兵屬漢項羽取陵母置軍中陵使至則東鄉坐陵母

欲以招陵陵母私送使者泣曰願為老妾語陵善事漢

王漢王長者終得天下考異曰終得天下四字考史記漢書荀紀皆無之今以通鑑增

入毋以老妾故持二心妾以死送使者遂伏劍而死項

王怒烹陵母家陵世

二年冬十月九江王布使將擊義帝追殺之郴縣史記布傳

欽定四庫全書

西漢年記

八

陳餘悉三縣兵與齊兵共襲常山王張耳耳敗走念諸

侯無可歸者曰漢王與我有舊故而項王又彊立我我

欲之楚甘公曰漢入秦可謂能義矣兩語仍荀紀楚雖彊後

必屬漢耳乃走漢漢方圖章邯廢邱耳謁漢王漢王厚

遇之餘已敗耳皆復收趙地迎趙王歇于代趙王德餘

立以為代王餘為趙王弱國初定留傳趙王而使夏說

以相國守代張耳陳餘傳十一月漢王乃立信為韓王常將

韓兵從本紀韓王信傳漢王還歸都櫟陽使諸將略地拔隴西

以萬人若一郡降者封萬戶繕治河上塞晁錯傳秦北攻胡築河上

故秦苑囿園池令民得田之紀本二月蕭何守關中紀

考異曰按何世家云漢王與諸侯擊楚蕭何守關中

侍太子治櫟陽為法令約東立宗廟社稷宮室縣邑通

鑑盡載於八月正以四月敗於彭城道逢孝惠載之六

月立為太子太子以六月立不應蕭何侍太子守關中

却在立太子之前也然以史考之漢王敗於彭城回至

榮陽蕭何發關中老弱未傅者悉詣軍使何不守關中

不應可調其老弱也然漢王將東擊楚又不應關中無

人居守史記云漢王與諸侯擊楚蕭何守關中此正彭

城之役故荀紀載於二月得之矣子長所記蓋總記一

歲之事今守關中則從荀紀自侍太子以下則載於立

太子之後庶不抵牾按荀悅三月漢王南渡平陰津

漢紀蕭何守關中在春正月

為義帝發喪袒而大哭哀臨力禁反三日發使告諸侯悉

發關中兵收三河士願從諸侯王擊楚之殺義帝者漢紀

夏四月項王雖聞漢東既已連齊兵遂破之而後擊漢

欽定四庫全書

西漢年記

九

漢王以故得部五諸侯兵凡五十六萬人東伐楚考異

諸侯顏注以為常山河南韓魏殷也按常山王張耳兵

敗奉頭鼠竄以歸漢安得有兵是時陳餘遣兵助漢兼

趙為五耳韓信傳云二年出關收魏河南韓殷王皆降

合齊趙共擊楚然楚方擊齊於城陽齊安得從漢入彭

城意齊字後人妄加耳又漢書作劫五諸侯兵今從史

記作部字按韓王當是韓信師古注以為鄭昌誤

叔孫通從儒生弟子百餘人降漢通儒服漢王憎之迺

變其服短衣楚製叔孫通傳時薛人丁固楚漢春秋云為楚

將逐窘漢王短兵接漢王急顧丁固曰兩賢豈相厄哉

於是丁固引兵而還漢王遂解去季布傳項羽釋齊而歸

擊漢於彭城以故田橫復得收齊城邑立田榮子廣為

齊王而橫相之專國政政無巨細皆斷於橫田儋傳按史記時

楚與漢戰於彭城大破漢軍漢王間行收軍五月至滎陽兵復振此本俱失載疑有脫漏五月漢王

以曹參為假左丞相入屯兵關中參魏王豹謁歸視親

疾至國即絕河津反為于偽楚高帝紀六月漢王還櫟陽

欽定四庫全書西漢年記卷一

士平立太子赦罪人令諸侯子在關中者皆集櫟陽為

衛高紀按前二月蕭何守關中節考與云自侍太子以下載於立太子之後則此上當有蕭何侍太子治

櫟陽事今本不載似屬脫落雍州定置中地北地隴西郡高紀通鑑考異曰

漢書本紀云雍州定八十餘縣置河上渭南中地隴西

上郡按塞王欣翟王翳降置河上渭南上郡已見於欣

重初降時不當漢王問故秦時上帝祠何帝也對曰四

帝有白青黃赤帝之祠漢王曰吾聞天有五帝而四何

也莫知其說於是漢王曰吾知之矣迺待我而具五也

迺立黑帝祠名曰北時有司進祠上不親往悉召故秦

祠官復置太祝太宰如其故儀禮因令縣為公社下令

曰吾甚重祠而敬祭今上帝之祭及山川諸神當祠者

各以其時禮祠之如故郊祀志匈奴冒頓既滅東胡歸又

西擊走月氏南并樓煩白羊河南王悉復收秦蒙恬所

奪匈奴故地與漢關故河南塞至朝那膚施遂侵燕代

是時漢兵與項羽相距中國罷音疲於兵革以故冒頓得

自彊控弦之士三十餘萬匈奴傳是歲以盧綰為太尉史記

大事記

欽定四庫全書西漢年記卷一

三年冬漢王與羽相距京索間數使使勞來到苦丞相

何鮑生謂何曰今王暴衣露蓋數勞苦君者有疑君心

為君計莫若遣君子孫昆弟能勝兵者悉詣軍所王益

信君於是何從其計漢王大悅何傳楚龍且擊破九江王

布軍布欲引兵走漢恐楚殺之故間行與隨何俱歸漢

布夏四月項王圍漢滎陽漢王請和割滎陽以西者為

漢項王欲聽之歷陽侯范增曰漢易與耳今釋弗取後

必悔之項王乃急圍滎陽漢王患之項羽紀謂陳平曰天

下紛紛何時定乎平曰項王為人恭敬愛人士之廉節

好禮者多歸之至於行功賞爵邑重之士亦以此不附

今大王嫚而少禮士之廉節者不來然大王能饒人以

爵邑士之頑頓讀曰者請曰利無恥者亦多歸漢誠各

去兩短集兩長天下指麾即定矣平世家五月漢王出榮

陽至成舉自成舉入關收兵欲復東轅生說漢王曰漢

與楚相距榮陽數歲漢常困顧君王出武關項王必引

兵南走音秦王深壁令榮陽成舉間且得休息使韓信等

欽定四庫全書

西漢年記

卷一

得輯河北趙地連燕齊君王乃復走榮陽未晚也如此

則楚所備者多力分漢得休息復與之戰破之必矣漢

王從其計出軍宛於元葉反武涉反間高紀得九江王布史記

項羽紀漢書韓信傳考異曰此語本之史記項羽紀

而漢書紀書布以十一月起兵攻楚楚遣龍且擊布數月

至成舉按布以十一月起兵攻楚楚遣龍且擊布數月

且破布軍是布留九江數月豈得次月即至漢耶兼收

北至宛葉得九江王布行收兵復入保成舉此得其實

入保成舉即以復羽引而東使終公守成舉漢王引兵

北擊破終公復軍成舉是也漢書韓信傳云楚方急關

漢王榮陽漢王出南之宛葉得九江王布入成舉楚復

急關之與史記合獨紀以布至漢為十二月故并移也

成舉於前耳蓋漢王自彭城既敗之後與羽相距於榮

陽紀書二年秋八月漢王如榮陽三年夏四月項羽圍

漢榮陽漢王請和使漢王在成舉羽當圍成舉可也漢

王後用紀信計始自榮陽遁至成舉入關耳按史記紀

是時亦無屯成舉事當是漢書紀誤今從史記羽紀書布歸漢於宛葉間西楚奪衡山王吳

芮地復以為番君紀高八月漢王數困榮陽成舉計欲捐

成舉以東屯鞏雒以距楚酈食其曰夫教倉天下轉輸

久矣臣聞其下乃有藏粟甚多願足下急復進兵收取

欽定四庫全書

西漢年記

卷一

口守白馬之津以示諸侯形制之勢則天下知所歸矣

王從之乃謀取敖倉酈食其又說漢王曰方今燕趙已

定惟齊未下考異曰史記漢書以取敖倉說齊合為一

今田廣據千里之齊田解將二十萬之眾考異曰漢傳

父謂此時何緣更有田間按田儂傳乃是田解今從儂傳軍於歷城諸田宗彊負海

岱阻河濟南近楚齊人多變詐足下雖遣數十萬師未

可以歲月破也臣請得奉明詔說齊王使為漢而稱東

藩王曰善乃使食其說齊王廣及相國橫酈食其傳

四年冬十月韓信襲破齊歷下軍田儂傳灌嬰虜華毋傷

嬰因入臨菑王廣相橫以酈食其賣已而烹之廣東走

高密橫走博守相田光走城陽將軍田既軍於膠東

傳使使於楚請救韓信傳項王聞韓信破齊且欲擊楚使

龍且周蘭將兵救齊漢紀項王擊陳留外黃不下數日降

悉令男子年十五以上詣城東欲阮之外黃令舍人兒

年十三往說項王曰彭越其兩反劫外黃外黃恐故且

降待大王大王至又皆阮之百姓豈有歸心哉從此以

東梁地十餘城皆恐莫肯下矣羽然其言乃赦外黃當

欽定四庫全書西漢年記

阮者而東至睢陽聞之皆爭下傳彭越所下城邑皆復

為楚越將其兵北走穀城彭越傳漢以中尉周昌為御史

大夫昌苛從弟也荀紀考異曰不知所拜月日今從

彭越復下昌邑旁二十餘城越傳往來苦楚兵絕其糧食

紀高韓信使人言漢王曰齊夸詐多變反覆之國南邊楚

不為假王以填之其勢不定今權輕不足以安之臣請

自立為假王當是時信傳漢方困於滎陽通傳考異

是時楚方急圍漢王滎陽按是時漢王與項羽相距於
滎陽廣武間羽初未嘗圍漢也通鑑削去兩語刪通傳

云韓信自立為假王漢方困於滎陽遣張良即立信
為齊王以安國之是也今從通傳云漢方困於滎陽春

二月韓信已王齊使灌嬰別將擊楚將於魯北破之轉

南破薛郡長攻博陽前至下相以東度淮盡降其城邑

至廣陵項王使項聲薛公郊公復定淮北嬰度淮擊破

項聲郊公下邳斬薛公下下邳壽春擊破楚騎於平陽

遂降彭城虜楚柱國項佗降留薛沛鄼蕭相攻苦譙與

漢王會順鄉灌嬰傳秋七月立英布為淮南王本與擊楚

布使人之九江得數縣布傳八月初為算賦漢儀注年

欽定四庫全書西漢年記

五十六出賦錢人百二十北貉莫客燕人來致梟騎助

漢本紀九月歸太公呂后按漢遣陸賈說羽請太公羽弗

約中分天下歸太公呂后此本首尾不具疑有脫漏軍皆稱萬歲漢王欲封侯公

曰此天下之辯士所居傾國故號曰平國君此事據楚

五年冬十一月淮南王布與劉賈入九江誘楚大司馬

周殷殷畔楚遂舉九江兵並行屠城父隨彭越皆會垓

下高紀布傳彭越十二月漢王與諸侯兵共擊楚軍與

項王決勝垓下齊王信將三十萬自當之孔將軍居左

史記正義曰費將軍居右史記正義曰費侯陳賀也漢王在後絳侯

柴將軍在漢王後項王之卒可十萬韓信先合不利却

孔將軍費將軍縱楚兵不利韓信復乘之大敗垓下史記

紀項王兵少食盡漢軍及諸侯兵圍之數重項王則夜

起飲帳中有美人姓虞常幸從駿馬名騅常騎之於是

項王乃悲歌忼慨自為詩曰力拔山兮氣蓋世時不利

兮騅不逝騅不逝兮可奈何虞兮虞兮奈若何歌數闋

美人和之曰漢兵已略地四面楚歌聲大王意氣盡賤

欽定四庫全書

西漢年紀

卷一

妾何聊生此據楚漢春秋於是項王乃上馬麾下壯士騎從者

八百餘人直夜潰圍南出馳走平明漢軍乃覺之令騎

將灌嬰以御史大夫將五千騎追之項王渡淮騎能屬

者百餘人耳乃欲東渡烏江烏江亭長音蟻船待項王

笑曰天之亡我我何渡為乃自刎而死紀項籍已死灌

嬰乃渡江破吳郡長吳下得吳守遂定吳豫章會稽郡

還定淮北嬰傳漢遣劉賈將九江兵與太尉盧綰及靳歙

別定江陵擊虜臨江王共尉送致雒陽殺之以臨江為

南郡見漢紀劉賈周勃東定楚地泗水東海郡勃陳人

鄭君嘗事項籍籍死屬漢漢王令諸故項籍臣名籍鄭

君獨不奉詔詔盡拜名籍者為大夫而逐鄭君鄭當春

正月諸侯上疏曰楚王韓信韓王信淮南王英布梁王

彭越故衡山王吳芮趙王張耳燕王臧荼昧死再拜言

張晏曰秦以為人臣上書當言昧死罪而古漢遂遵之大王陛下先是秦為亡道

天下誅之大王先得秦王定關中於天下功最多存亡

定危救敗繼絕以安萬民功盛德厚又加惠於諸侯王

欽定四庫全書

西漢年紀

卷一

有功者使得立社稷地分已定而位號比擬無上下之

分大王功德之著於後世不宣昧死再拜上皇帝尊號

漢王曰寡人聞帝者賢者有也虛言無實之名非所取

也今諸侯王皆推高寡人將何以處之哉諸侯王皆曰

大王起於細微滅亂秦威動海內又以辟諸曰陋之地

自漢中行威德誅不義立有功平定海內功臣皆受地

食邑非私之也大王德施四海諸侯王不足以道之居

帝位甚實宜願大王以幸天下漢王曰諸侯王幸以為